

法令二

禮部奏已酉科舉行選拔學堂各生分別與考片

一百八

十月

具奏請 旨其原定則例無庸變通者應均照舊辦理

禮部奏已酉科舉行選拔學堂各生分別與考片

別與考片

階可升擬請嗣後宗室一等人員於緣頭籤內註明係屬近支於圈出覆帶後如蒙恩記名即與各項人員一律進單以道府恭候簡用一舊例盛京分建五部所屬官員俱歸京察辦理今按東三省已分設督撫應與各行省一律舉行大計三年一次查奉天左右參贊秩正二品奉天交涉旗務民政三司司使奉天吉林提法使秩正三品奉天度支蒙務二司司使秩從三品擬請令該督撫出具考語繕具履歷清單咨部由部彙覈具奏其道府以下等官該督撫將應舉應劾之員分為二摺照各行省舊例辦理一舊例盛京各衙門及三陵官員筆帖式均由盛京將軍註考今盛京將軍奉裁所有盛京各衙門及三陵官員筆帖式應由東三省總督註考一各省均添設提學使司提學使一員秩正三位列銜在藩司之下臬司之上應請令該督撫出具考語附於藩司之次繕具履歷清單咨部由部彙覈具奏一以上各條或有未盡事宜及須再行酌改之處由臣部隨時

再光緒三十一年八月升任直隸總督袁世凱等奏請停科舉摺內聲明已酉科拔貢照舊辦理仍於舊學生員中考取已入學堂者不准應考又政務處奏准寬籌舉貢生員出路章程內開已酉科舉行拔貢照向額加倍考取學堂學生仍照原奏不准與考又准雲貴總督咨稱查學部咨政務處文稱擬如閩浙總督所請速成簡易各生一律考試優拔辦理持平是速成法政畢業生員與簡易師範畢業生員得考試掇拔又查滇省上年保送舉貢赴京考試既有游學日本速成師範畢業之舉人又有曾入法政學堂尚未畢業之舉貢等是曾習法政之舉貢例得與會學速成簡易各師範之舉貢同膺保送擬請此後已酉壬子兩屆保送舉貢及錄取優拔職員遇有法政講習科畢業之舉貢生員或法政別科畢業之舉貢生員必儘先保

送儘先取錄通省舉貢生員必有聞風興起爭入法政講習科及別科者應分咨學部禮部立案示覆各等因當經臣部行查學部去後茲准覆稱查法政學堂別科三年畢業法政講習科畢業年限多至一年半而止現在正擬另定別科講習科獎勵章程應俟具奏奉 旨後再行知照核辦至師範簡易科約分二種一爲二年以上之簡易科一爲不足二年之簡易科查二年以上之簡易科最優等優等定有獎勵專章且有義務年限亦難准其與考惟中等以下以及不足二年者均未定有獎勵專章自應與速成科學生一律辦理准其考試至各項學堂畢業考列下等者除中學堂下等仍給予優廩生得有獎勵外其餘各項學堂有係舊日舉貢生員在本學堂考列下等並未得有獎勵且實係未升入程度較高學堂肄業者應准其一律與考以昭公允等因前來除別科講習科獎勵章程業經學部奏准應由學部自行知照外查明年已酉係舉行選拔之年舊學生員未入學堂者自應仍照向章一律准

其應考其曾入學堂各生有得獎勵與未得獎勵之分何項准其與考何項不准與考即由各直省督撫轉飭提學使查照學部此次來文分別核定至下屆考試優生及保送舉貢均照此辦理謹附片奏 聞光緒三十四年八月二十日奉 旨依議欽此

憲政編查館通咨各省諮議局預算決算辦法文

爲咨行事案查本館擬訂諮議局章程於本年六月二十四日奏奉 諭旨允准旋經遵 旨擬議憲法大綱暨議院選舉法要領並議院未開以前逐年應行籌備事宜於八月初一日奏奉 諭旨頒行迭經通行咨照各在案惟諮議局章程第六章第二十一條內開諮議局應辦事件二議決本省歲出入豫算事件三議決本省歲出入決算事件而逐年籌備事宜清單內開光緒三十五年調查各省歲出入總數光緒三十六年覆查各省歲出入總數試辦各省豫算決算各等語查各省諮議局欽奉 諭旨限